



UNIVERSITÄTS-
BIBLIOTHEK
PADERBORN

Valerii Andreae Desselii Erotemata Ivris Canonici

Andreas, Valerius

Francofurti & Lipsiae, 1720

II. de Calumniatoribus.

[urn:nbn:de:hbz:466:1-63277](https://nbn-resolving.org/urn:nbn:de:hbz:466:1-63277)

De Calumniatoribus.

TIT. II.

Accusatores, vel denunciatores, si alicui falsa crimina objiciant, tenentur tanquam calumniatores.

1. *Quid dicuntur Calumniari, & quis Calumniator?*

Calumniari est falsum crimen scienter, & dolo malo intendere. Calumniator dicitur, qui falsum crimen scienter & dolo malo intendit, seu proponit. In eo diversus a Prævaricatore, quia hic falsa crimina detegit, & vera abscondit. Tergiversari vero est, in totum ab accusatione desistere.

2. *Quæ est pœna accusatorum calumniantium?*

Pœna est talio. Eadem scilicet pœna puniendi sunt, qua mulctandi forent, si crimina fuissent probata, cum calumniatores ad vindictam poscat similitudo supplicii.

3. *Quod si eadem pœna plecti nequeant, vel calumniator non sit capax pœne?*

Tunc alia, & æque gravis infligitur.

Y 4

Exem-

Exemplum est in Subdiacono, qui laicum falso accusaverat alicujus criminis, quo probato deponendus, & Ordine exuendus esset Diaconus: quia non potest Subdiaconus spoliari Ordine, si non habet, præterquam quod per Subdiaconatu, publice verberibus castigatus mittitur in exilium.

c. i. b. 2.

4. *Quid si non constet, an quis calumniandi animo accusationem instituerit?*

De eo inquirere officio incumbit iudicis: qui, si in negotium id postulet, accusatori deficienti in probatione, minus se non animo calumniandi accusationem instituisse, præsertim adversus superiorem suum, Canonicam indicet purgationem, eumque, usque dum se purget, ab officio, & beneficio suspendet.

c. i. eod.

De Simonia, & ne aliquid pro spiritualibus exigatur vel promittatur.

TIT. III.

Hic incipit alterum hujus libri caput, quo materia iudicii criminalis, id est ipsa crimina enumerantur, & explicantur; quæ vel communia sunt omnium hominum, tum Ecclesiasticorum,